

## ناس.. وناس

كان نفسي أقول  
يا ه يا زمان  
لكن زمانى ماسيبش ذكرى  
اشتاق لها  
أوحى كلمة أحبها  
ما سابش غير طعم فى حياتى  
ما بنسهوش  
حرمان وظلم وذكرىات متوزعه  
ووشوش يادوب ملامحها مرسومه وخلص  
وسنين كتير مش برضى حتى أعدها  
أهو عيشة زى العيشة  
وايام زيها  
أيام بتشبه بعضها  
الضحكة خيفة لتترسم  
الحزن ينسى يودها  
والدنيا دايم ناس وناس

ناس فوق وناس تحت المداس  
ويقولوا واخذ قال نصيب  
فتشنى طلع م الجيوب  
خارج بهدمه  
زى ما دخلت وتمام  
أبيض وخالى الا من كومة آلام  
ويقولوا دا كان الثمن  
طيب مين دفع غيرى الثمن؟  
دا أنا ياما شوفت عذاب وغيرى ما جربوش  
حرمان ووحدته ومر ظلم ما بنسهوش  
طيب ليه حساب الدنيا لازم أدفعه؟  
والكل عايش فى البلاش  
الا أنا  
الفرح دايمًا ليه تمن  
والحلم لازم ليه تمن  
طب عمري ليه من غير تمن؟  
حرمانى ليه من غير تمن؟  
ويقولوا دا أصله ابتلاء!!  
وخلص ما فيش غيرى ابتلى؟؟  
الدنيا فضيت الا منى المبتلى!!

شر البلية عشته أنا  
اضحك يا قلبى من الهنا  
اضحك وقول عنى النكت  
كان مرة واحد قال ضحك  
حسدوه ومات  
شوف النكد؟؟؟  
هى كده  
كحك اليتيم عجه فى أيديه  
والكل يسأل ليه ولية  
ما الناس عليه متعوده  
ما تشوفش غير فاضيه أيديه!!